

Kat. Komp.



915204

Mag. St. Dr.

III



2800
CORONA

Gemmis Augusti sanguinis,
Auro meritorū in Patriā & Ecclesiā

PRETIOSA

Ante Thronum Gentilitij **AGNI**
ILLVSTRISSIMI

&

REVERENDISSIMI DOMINI

D. JOANNIS

FELICIS

in **SZANIAWY**

SZANIAWSKI

DEI & Apostolicæ Sedis Gratiā
EPISCOPI CHELMENSIS

In ascensu ad Pontificale solium

A Devotissimis Magno Nomini Diocesanis Collegijs
Scholarum Piarum Chelmenſi & Varenſi

POSITA

Anno.

Coronantis nos in misericordia **AGNI** 1725.

CRACOVIAE Typis Jacobi Matyaszkiewicz, S. R. M. Typographi.

In Avitum Decus
ILLVSTRISSIMÆ
SZANIAVIORVM
 Domûs



I.

Est caput astrorum, pretiosi velleris AGNVS
 Spectat ad auratum jure corona caput.

II.

Gemmifero niveū diademate cingimus *Agnum*
 Quòd sit Sarmatico Victima grata Iovi.



ILLUSTRISSE
&
REVERENDISSE
DOMINE.

915204
III
Ad Dominas jaciūt plātas Diadema Camænae
Impar officijs muneribusq; Tuis.
Nō radiat gemmis, Lybico non Gange refulget,
Tu tamē hoc supple Lechica Gemma decus.
A Te quidquid habet, trahit ista Corona, valoris,
E meritis pretium fuscipit omne Tuis.
Nil ferimus nostrū, si quæ Stephanoma coronat.,
Sangvinis ex alto est gemma recepta Tui.

Si

Si roseus forsan sertum quis flosculus ornat,
Ex campis AGNI flos venit ille Tui.
Si quantum tenuis splendorem pagina spargit,
Tu Patriæ Sydus lumina tanta creas.
Dictio sublimi confurgit fortè Minerva?
Erigitur titulis integra svada Tuis.
Hoc solum nostrū est, quòd spiret pagina servos
Nos totum xenium parva corona sumus.
Dicimus ingenuè, quòd simus parva corona
Nunquam Præsuleo vertice digna Tuo.
Quòdtamē excelsò capiti stephanoma sit impar
Majestas Domini protegat ista Throni.
Vellere quo pridē consuevit, nos tegat *AGNVS*
Dum diadema suum mittimus ante Thronū
Is gressum quocunq; sacrū promoverit, exnunc
Ibit post Dominum subdita turba suum
Nunc dū Præsulei conscendit culmen honoris,
Hæc illi ex animo penna sacrata vovet
AGNE Tuo fortuna trahat de vellere stamen
Quo fieri valeat Purpura Sacra Tibi.

Ita precantur

ILLVSTRISSIMÆ & REVERENDISSIMÆ


DOMINATIONI VESTRÆ

Devotissima

Diœcesanâ Scholarum Piarum Collegia



PANEGYRICUS.

 *Odie tandem SERE-
NISSIMI AVGV-
STI SECVNDI* secū-
dantur vota, utriusq; Se-
natorij Ordinis coronan-
tur desideria, dum emeritissimum Tu-
um caput, secundà hâc Pontificiâ co-
ronatur tyarâ *ILLVSTRIS-
& REVERENDIS-
SIME DOMI-
NE.* Pridem iste cardinalibus vir-
tutibus meritisq; Tuis Senatorio Præ-
suleam optabat purpuram, pridem il-
le ante thronum gentilitij Tui *AGNI*

A

coro

Stemma S.
m. Innocē,
rij XIII.

coronam hanc mittere decreverat, postquam omnibus dignum advertit diadematis, sed Stematicam BENEDICTI XIII. expectavit ROSAM, ut comptius ornato coronaret stephanomate, ubi cum sua gemma Aquila INNOCENTII avolavit. Expende affectum aurei in ferreo sæculo Principis Polone orbis! ut de condigno Principem astrorum AGNVM SZANIAVIANVM coronaret, Gēmas quæsit, florem coronarū Rosam adhibuit, ipsa sydera in Chelmsi attribuit Helice. Non alia tamē AGNVM istum decebat corona, quæcunq; in alto honorum reperiuntur gemmæ, in Pæsto purpurarum, flores, in celo titulorum, splendores, eruditissimo illius vertici, quo omnium coronavit corda, debentur universi. Imò (si verum fateri volumus) omnis hæc decorum summa, nec infimis meritorum ejus proportionatur; inde est, quòd ad candorem

dorem illius omnes verecundo rubore
suffundantur purpuræ, penes toto dif-
fusos orbe ejusdem splendores, univer-
sa honorum phenomena eclipsentur.
Sydus hoc in Polono polo primæ ma-
gnitudinis, suis tantum potest illustrari
fulgoribus, *AGNVS* hic, de suo tan-
tū contexto vellere dignè potest orna-
ri paludamento. Et hinc est, quòd nos
Panegyricum orationis filum de preti-
osa solummodo illius ducemus lana,
cornucopias acuminum ex ejus depro-
memus cornibus, sublimiores sensus ex
capite desumemus, ut tenuitati suade
nostræ consulamus. Quòd si & penes
hanc ornamentorum summam, cyfræ
erunt oratorij Circuli in coronamen-
tum Victimæ honorum *AGNO Tuo*
ILLVSTRISIME ANTISTES
destinati, Tuo imputa nomini, cujus
tam grande est per orbem integrum
pretium, ut nullæ in archipelago elo-
quentiæ reperiantur gemmæ, quæ il-

lud attollant, nullæ in thesauris humanioris literaturæ dentur divitiæ, quæ illud augere valeant. Nihil inveniunt in manibus suis viri divitiarum scholasticarum, quod ad aram Tui honoris afferant, si in Pactolo e-logiastica tingatur penna, si gemmei venæ profluvij in encomiasticas deriventur paginas, si adamantino scribaris stylo, nihil ad ingentem Tui nominis addetur valorem. Vel unica virtus Tua omnes Oratorios excedit Numeros, ampliusq; valet sanctior illius scrupulus, quam omnes Hydaspis pretiosi saburræ. Tu ipse tantummodo sufficiens es Tibi pretium Gemma Præfulum, ceterum aurum illud quod in aurifodinis eloquentiæ asservatur, gemmæ illæ quæ in Tulliano attinentur pelago, nisi à Te valorem mutuëtur, nihil valent. Patieris tamē & ex hoc metallo elaboratam, & ejusmodi ornatam corallijs AGNO Tuo à nobis

nobis imponi coronam, addent illi singulare ornamentum corallia augusti Sanguinis, augebunt pretium gemmæ Tuorum meritorum.

Circularem diadematis nostri lineam à centro decorum Magnæ Domûs Tuæ ordimur **ILLVSTRIS-
SIME & REVERENDIS-
SIME** DOMINE, quam dum penitiori scrutamur indagine, novum in terris cælum, aliud extra Romam Pantheon, quod sola inhabitant Numina, sine hyperbolice elevationis nota dicere possumus. Quid enim in illa non sublime? quid non sanctum? quid non divinum? Vnum terra Deorum ferax Græcia jactat Jovem, uno Gradivo, uno superbit Mercurio! in Domo **SZANIAVIANA** plura ejusmodi enata Numina, quàm olim in Latio Heròes. Quot enim vel hac ipsa ætate non numerat Joves, qui non jam uni Europæ, sed orbi integro

Illustr: Domûs Szaniana Divorum Domus

bajulando sufficiunt, in id unum in-
tenti, ut doctas orbi progenerent Pal-
lades, & aureo suæ liberalitatis im-
bre Sarmaticam ditant Danaën. Ful-
men illis in promptu Polonæ minis-
terio Aquilæ, quoties in cælum patrium
conjurati insurgunt Gigantes, illa in
consilijs prudentia, ut merito Deorum
Senatui præesse debeant, illa eloquen-
tiæ dulcedo, ut apes in ore ipsorum
mellificasse videantur. In hoc tan-
tùm Jovi dispares, sed eò ipsò mayo-
res illo, quòd nullas divinitati repu-
gnantes admittant labes, nec arietis
alieni ad honorarias trabeas vellere
egeant, sed avitus AGNVS ad Se-
natorias purpuras, ad Præsulea pal-
lia, pretiosæ velleræ lanæ illis submi-
nistrat. Gradivos quis ad calculum
revocet? tantus illorū numerus est, ut
coronatus Lechiæ Iupiter integra ex illis
solis possit habere castra, quibus insen-
sos sibi prosternat Titanas. Quanto in
amore

amore habeant loricate Vulcani retia,
dicant Leones Suetici toties illis im-
pliciti, quantum ad propugnandum
polum Poloniae valeant, loquantur
prostrati Enceladi, defensus Deorum
peroret exercitus. Mercuriorum pro
bono Patriae disertissimorum non mi-
nor copia, stellas olympi facilius com-
putaveris, quam numericam eorum
proportionem comprehendas. Quod
si praesentis sterilitas saeculi adeo se-
cundo germine in Domo Tua RE-
VERENDISSIME PRÆSVL
progenerat Numina, beatior ævi præ-
teriti ætas, quot non debuit habuisse
ex illa Consos sacratoris concilij Præ-
sides? quot non numerasse Apollines
suis oraculis celebres? gemmarum
in Erythraeo latentium copiam, extra-
cti uniones indicant, quam denso flo-
re vernaverit arbor, ex subjecta ocu-
lis, fructuum ubertate colligimus, mul-
titudinem magnorum Lechiæ Numi-

num in Domo Tua præterlapsis prognatorum ætatibus, ex præsentì eorū numero mensuramus. Pro superi! quod cælum in paginam descenderet, si universa statuere deberemus, quot templa honoris erigenda, si singulis particularem venerationis cultum tribuere vellemus. Suffecerit unum Romanis Panthæon deastris, SZANIAVIANA Numina vix orbis ambiret, si in templum verteretur. Nimirum vel decurrente florentes sæculo SZANIAVII in illam excreverunt magnitudinem, ut illis cum Macedone orbis alter quærendus sit, qui illorū gloriam comprehendat.

Panegyris
Celsissimi
Principis
Episcopi
Cracoviensis.

Primus in paginam tantā merit-
torum sublimis magnitudine venit
CELSISSIMVS PRINCEPS,
REVERENDISSIMVS PRÆ-
SVL CRACOVIENSIS CON-
STANTINVS SZANIAWSKI.
Circumfertur per orbem integrum.
Duca-

107
Ducalis fama, nec vastissimâ illius circumferentiâ potest circumscribi. Biceps Imperij Aquila, grande Magni Pontificis ad superos vehit usq; nomen, & adhuc habent, quod de illo canant Alaudæ Austriacæ, coronat emeritum illius caput suis floribus Gallia, terno coronarû orbe Vavelus, & adhuc superest locus, in quo ampliora reponantur coronamenta; Romanus Tyberis pleno in elogia illius volvitur alveo, Hispaniæ Tagus ad extrema oceanî littora liburnim Præsuleæ vehit gloriæ, hic verò suo fluxu & refluxu per orbem integrum, quem ubi magnitudini illius advertit imparem, grandiore aquarum queritur murmurare. Illa est Pontificij majestas nominis, ut nova sint investiganda maria, per quæ proportionatos sibi fama illius attingat terminos, nova Mathematicis quærenda phænomena, quæ adequatam illi honoris accendant lucem.

C

erra-

erravimus! novus Columbo indagandus
orbis, qui hujus solis fulgoribus illustre-
tur. Videlicet illo sapientiæ radiat ju-
bare, ut si tot orbes haberemus, quot re-
gna, omnes irradiare, singulis meridiæ
felicitatis posset accendere. Quantum
lumen gloriæ orbi Polono accenderit,
cæcus necesse sit, qui illud non videt,
quantam Senatoris astris consiliorum
communicet lucem, exserenata bello-
rum nubila, dispunctæ mutuarum dis-
sensionum nubes, reaccensus Poloni
nominis testatur splendor. Quod e-
nim post bellorum fulmina sudum ha-
beamus tranquillæ pacis, primæ ma-
gnitudinis luminari Illius debemus
AGNO, quod fluctuans inter sedi-
tionum tempestates Reipublicæ onera-
ria, ad fortunatas beatæ pacis insu-
las proximè sit eluctata, lucernæ Illius
AGNO, omni Pharo illustriori adscri-
bendum. Crescunt virides pacis o-
leæ in latepatientibus Sarmatiæ nostræ
cam-

campis, sed illas sanctior iste suâ plan-
tauit industriâ Alcinous, fugerunt
partes adversæ libertati Lechicæ, sed
illas suæ crucis signo in fugam Ma-
gnus iste compulit **CONSTANTI-**
NVS, stetit post longa dissidia, mu-
tua animorum colligatio, sed illam au-
reo eloquentiæ suæ torqve Divinior
iste nexuit Gallicanus. Huic **FELI-**
CIANO debet suam felicitatem **AV-**
GVSTVS re & nomine Secundus, il-
lius Gentilitio Arieti expugnata tot
hostium pectora, quæ Martem & lon-
giora spirabant bella. Non est, quod
invideamus, suum Ægypto Trismegi-
stum, Magnum Principem, Magnū
Sacerdotem, Magnum Philosophum,
habemus namq; Principem, qui ma-
gnitudine gestorum superavit maxi-
mos, sapientiâ excessit sapientissimos,
sacerdotij sanctitate æquavit magnos.
Princeps inter Præsules Poloniæ hoc
sublimes titulo secundus, Senatoria

eruditione, Pontificia virtute primus,
ad obsequia coronati Principis, ad de-
fendendam libertatem patriæ, ad tu-
endam auctoritatem Ecclesiæ, nunquã
postremus. Mente, in coronandis Re-
gij capitis consilijs immersus, oculis, ad
avertenda Reipublicæ pericula inten-
tus, ore, in orthodoxæ tutelam fidei
promptus, pectore in amorem commissi
gregis effusus. Avitus Illius AGNVS
velut ille Divi Clementis aries non
jam fontem, sed oceanum gratiarum
elicit, aut velut ille Urbani septimi
symbolicus, fodinas auri effodit libe-
rales, quibus singulorum provideat e-
gestati. Quantum nos ipsos Dei Ma-
tris Pauperes ditaverit, documentum
præbet Stemmaticus Fundatoris Nostri
catellus, bene infartum in ore suo por-
tans marsupium, testantur muti lapi-
des, de Cracoviensis pariete basilicæ,
quos Sanctior Amphion in magnificum
Numini cœgit sanctuarium. Non

minor

minor liberalitas in Petricovienses, Lucovienses Musas, quæ sua seria, floribus gratiarum illius debent. Par munificentia in alios ordines, Ignatianis flammis, ne exstinguerentur, copiosissimum providet nutrimentum, Stemmaticis Carmeli Syderibus novam indefinenter gratiarum communicat lucem, florentissimæ Bartholomitæ Congregationi novum plantavit Paradisum. Ut Kielcense cælum, quod avito Suo serenatur AGNO, radiaret amplius, his illud ornavit Syderibus, ut erecta Ducali magnificentia, Domus sapientiæ inconcussa staret, his illam fulciri columnis voluit. Munificam in aras, & templa Magni Pontificis pietatem quis explicet? Soli Justitiæ, novos in terris cælos, Regi regnantium, basilica erigere palatia, prima illius sollicitudo est. Divo illi de quo Rosa sine spinis prodijt, liliato devotionis candore conjunctissimus,

D

Aram

Aram illi in Sanctuario Cathedrali tam solidam erexit, qualem decuit CONSTANTINVM, illa ornavit supellectili, ad quam purpura Principis non erubesceret. A prælijs Ecclesiastico prohibitus canone, novum bellandi invenit modum, nempe certare liberalitate cum superis, aureis illos impugnare globis, in quo certamine, an plura amiserit, an verò receperit, ut nobis ambiguum, ita Illi intra gloriam indubiam. Quid reliquas requisitas in Principe memoremus virtutes? Cardinales dictæ, non purpuram tantum, sed & coronam merentur in Illo, postquam illis regiam sui concessit pectoris. Magnitudo excelsæ mentis ultra omne fastigium, demissio infra omne profundum, constantia supra omne exemplum. Nihil in Magno hoc CONSTANTINO parvum, nihil mediocre habet orbis, in publico plusquam Princeps, in consilijs plusquam Senator, in
tem-

templis plusquàm Pontifex. Immora-
remur diutius tanti Principis laudi-
bus, quem præterita desiderarunt, fu-
tura nobis invidebunt secula, nisi sci-
remus, quòd veluti nemo soli lucem,
adamanti pretium addere valeat, sic
nec Illum oratoria possint illustrare lu-
mina, opes literariæ facere pretiosio-
rem.

Ad ILLUSTRISSIMUM &
EXCELLENTISSIMUM Do-
minum Castellanum Lublinensem ve-
ligalis transvolat penna, in cujus do-
tes, divites suas exhausisse gazas vi-
detur natura. Contulit alijs pluri-
ma, Illi omnia; aurea alijs attribuit
talenta, sed cum scoria. Coronavit
auro prudentiæ Fabij Cunctatoris ca-
put, sed plumbeum illi immisit ani-
mum, posuit rosas in ore Tullij, sed
illas spinis inconstantiae stipavit, syde-
ream in Numa creavit animam, quæ
tamen suas spargeret umbras; ILLV-

Illustr: Ca:
stellan: Lu-
blinen: ma:
gnarū do-
tum.

STRISSIMI CASTELLANI
aureæ menti proportionatum elaboravit caput, sic Illum rarissimorum illustravit talentorum fulgoribus, ut nè minimam illis imperfectionis umbram sociaret. Congessit in illū omnia pulchra absq; nœvo, prudentiam sinè errore, animositatem sinè temeritate, integritatem, sinè corruptione, magnificentiam, sinè elatione, omnia summa in eminenti. Perorat in senatu? illos eloquentiæ ex ore suo depromit flores, ut herbam illi triumphalem, omnes Hortensij succumbendo cogantur porrigere. Oratorem Principis agit? penes hunc solem, sydera legatorum extinguuntur, discutit in Areopago litium nubes? illam è fonte luminum patrijs legibus affert lucem, ut soles Areopagi illuminentur. Si Pythagoricam citra errorem in fide liceret admittere metempsychosim, possemus dicere, animam Æneæ cum armata pietate,

I
r
t.
e
m
l.
r.
n.
fi.
a
il.
o.
es
r.
?
m
li.
m
es
ri.
d.
ti.
ni.

etate, Cæsaris cum triumphali eruditione, Licurgi cum iustitia clemente, in illum transmigrasse. Non tot in domo Deorum Dea gentium Roma simulacra posuit, quot in sacratori pectoris illius Panthæo numeramus. Illud autem hoc Numinum habitaculo gloriosius in se exhibet, quod cum omnes virtutum deas admiserit, sacrilegia exclusit universa. Nullam hic habet aram lasciva Venus, vindex Nemesis: armata Pallas, amica cælis Astræa, liberales Gratiae, & quidquid non vulgarem sapit divinitatem, sanctuarium istud occupavit.

ILLVSTRISSIMO & REVERENDISSIMO Regni SECRETARIO, quis calamus proportionatum exarabit elogium? quæ eloquentiæ gemma Cordis Regij, arcanorum Reipublicæ Sigillo par erit? Florem ingeniorum penes avita sua Lilia dixere Galli, & emarcidum encomium est, Gemmam

E

scien

Illustr: Regni Secretario omni elogio major.

Scientiarum vocavit Italia, & minùs
pretiosa laus est, Coronam Regni Sar-
matici, Caput orbis compellavit Ro-
ma, & minùs rotunda panegyris est.
Torquet se coronatum caput, ut dignũ
de illo depromat iudicium, cui mentis
suæ abdita credidit, sed aureos suos
sensus infra pretium Illius advertit,
mittunt Seniores suas coronas ante thro-
num gentilitij sui AGNI, quia di-
gnus est aperire librum arcanorum Re-
gni, & solvere signacula ejus, sed &
hæ capitis illius non adequant majesta-
tem. Ipsa tantũ suâ pennâ, quâ
Regni arcana notat, dignum nomini
suo potest exarare elogium, ipso capite
suo, quod aurum est optimum, appre-
tiari. Posset dignitate meritorum i-
psis honoribus honorem conferre, quem
præ foribus illius stantes, tanta tempo-
rum diuturnitate petunt, nec accipiũt.
Prosternunt se non semel ad vestigia
novi hujus extra Palestinam Joseph
bono-

honorum manipuli, adorant illum dignitatum phenomena, lucem ab Illo quarentia, sed semper illis nubem suæ opponit modestiæ. Veniet tamen tempus, quando pertinaciam Illius Pastoralis virga toties contemptus puniet honor, quando ad pontificiam damnabit crucem à castris suis transfugam, dum excessum istum in Præsuleo Senatoria erubescere faciet purpura. Nec improporcionatum decoribus suis inveniet subiectum, ad Pontificium annulum Gemmam Prælatorum habebit, ad violas Præsuleas florem Purpuratorum inveniet, ad cælum Senatûs, primæ magnitudinis sydus sortietur. Hæc de **ILLVSTRISSIMO & REVERENDISSIMO Regni SECRETARIO** vate calamo exarantibus, occurrunt Magna Nomina, **ILLVSTRISSIMI Capitanei JOSAPHAT** Chencinensis, **FABIANVS** Sochaczoviensis, **SZANIAVII**. Necdum justam an-

Illustr: Capitanei summe dexteritatis.

norum attigerunt plenitudinem, & jam orbem totum sui nominis impleverunt famâ, gestis annos superârunt. In primo ætatis suæ curriculo, ita gloriæ decurrunt olympia, ut longo post se Lechicos relinquant intervallo Celerinos, in primo juventutis eorum flore, uberrimos ex illis legit fructus Patria. Veniunt ad congressus Palatinatum, ubi quot capita, tot sensus, & suæ momentis sapientiæ, ex tanta multiplicitate sentimentorum, unam faciunt summam, discordantia inter se Numina, veriores extra fabulas Poëtarum Mercurij, suâ conciliant facundia. Adeunt generalium Comitiorû conclave Legati, illo verborum perorant torrente, ut flumen Demosthenis ex ore Eorum manare videatur, illâ sensuum maturitate, ut excisa è Jovis cerebro Pallas, in illorum capite sedem fixisse affirmetur. Plurimi in hoc orbis Sarmatici theatro per-
sona-

sonatos tantum agunt actores imponentes
cum Cicerone populo, **ILLVSTRIS-**
SIMI CAPITANEI, desideria Ci-
vium candidè, quod justum, vota po-
pulorum exponunt fideliter, quod glo-
riosum, ita semper Actum suum absol-
vunt, ut à tota, quanta est, Orchestra
Senatoria plausum mereantur. Quæ
illis elogia proximè præteritis non de-
dêre comitijs, conscripti Patres? alij
Gemmas Coronæ Sarmaticæ, alij nova
Poli Poloni sydera, Principes Legato-
rum, intitulârunt alij, unusquisq; avi-
tum Illorum **AGNUM** super sydera
efferebat. Ita nimirum **SZANIA-**
VIANVS AGNVS quocunq; se
verterit, ubiq; pascua gloriæ invenit,
jam & purpurati Regni Proceres
OSSOLINII, POTOCCII, MIA-
CZYNSCII, CHODOROWSCII,
KRASSOWSCII, LINIEWSCII,
alijq; sexcenti, laverunt stolas suas
in sanguine illius, habentq; Nomen
F
ejus

Ill: Præsu-
lis Chelme-
sis eruditio,

ejus scriptum in frontibus suis.

*Quantum lumen gloriæ habes IL-
LUSTRISSIME PRÆSVL ex tot
syderibus! quantum Corona nostra pre-
tium ex tot virorum Gemmis! Orbis Po-
loni judicio committimus. Nec minus
illi conciliat unio rarissimarum Tua-
rum cum eruditione virtutum, quibus
à teneris ærarium mentis citare in-
tendisti. Rara hæc apud viros divi-
tiarum scholasticarum gemma, ple-
rumq; enim præter profanæ eruditio-
nis opes, nulla Sanctioris verecundiæ
corallia in eorum thesauris reperies.
Dialecticis divites summalis, de sum-
ma sanctificantis gratiæ nihil possident,
Tullianæ eloquentiæ locupletes auro,
cælestis doctrinæ nec minutum habent.
Piscantur abdita in Erythræo scienti-
arum conchyliis, & gemmam innocentiae
amittunt, quærunt in montibus He-
liconis reconditos sapientiæ thesauros,
& talentum gratiæ abijciunt; Tibi li-
tera-*

terariæ eruditionis gemmæ, absq̃ perfectionis unione viluerunt, Thomistica non placuit Summa, absq̃ virtutum numero, ita solidioris doctrinæ quasi visi adamantes, ut lapides offensionis, petras scandali evitares, ita coacer- vandis academicæ scientiæ intendisti o- pibus, ut simul omnes virtutum gazas accumulares. Et inde est, quod in utroq̃ divitiarum genere locupletissimus evaseris, quidquid enim in Platonis deposito pretiosi, quidquid in Aquina- tica Summa reperitur magni, id totū intra gazophilacium eruditæ mentis inclusisti. Pauper est penes suas di- vitias Tullius, si ærarium Tuæ eru- ditionis aperire velis, erubescet penes corallia suæ sapientiæ Aristoteles, si in eadem bilance cum adamantibus Tu- arum rationum appendantur. Non adijisti quidem septemplici montium e- levatam vertice Romam, ut in mon- tibus illius non adulteratum eruditio-

nis aurum scrutareris, non instituisli
ad Veneticum Adriam, ad Tagum
Hispaniæ, ad Sequanam Galliæ, ad
Rhenum Germaniæ sumptuosam na-
vigationem, ut pretiosos scientiarum
in illis uniones quærereris, illas tamen
sapientiæ margaritas in Polono pesca-
tus es Vistula, quas alij transæquora
navigantes nec viderunt, nec invene-
runt. Quanta est hæc Patriæ nostræ
gloria! dum argumento ad hominem
extero ostendisti orbi, etiam ex agris
campestris Sarmatiæ erui posse ingen-
tes scientiarum thesauros, modo indu-
strij non desint operarij, etiam Polo-
num Vandalum, præter scuta, gale-
asq; virum, præter corallia heroi San-
gvinis, pretiosa eruditionis volvere con-
chylia. Porro, quantas in illo pesca-
tus sis ingenij opes, non explicamus, Tu
enim ipse è Cathedrali Leopoleos exe-
dra affluentissimè easdem explicasti, in
qua, illo cælestis eloquentiæ perorasti
obry.

obryzo, quod in aurea Chrysostomi
suada appretiarvit Antiochia, illis Ec-
clesiasticam eruditionem exornasti gem-
mis, quas ex Archipelago Augustini
hauserunt Hipponenses, illos solidorū
argumentorum appendisti adamantes,
quos penes suos lapides Ecclesiae osten-
dit Hieronymus. Si Te perorantem
Divinus audisset Patiens, cessasset que-
rere, Sapiencia ubi invenitur? Ille quip-
pe eras, in quo omnes Sapiencie the-
sauros vidisset reconditos, exclamasset
laureatus ille Sarmatiae Vates paulò
mutato carmine

O quis sacratae fons sapientiae
Exuberanti vividus impetu
Bachatur, & lymphata secum
Corda rapax animosq; volvit!

Merebantur istae Tuae eruditionis
gemmae, jam tunc Praesuleo annulo,
Episcopali inferi tyaræ, coronam ta-
men Cathedralium Canoniorum prius
G illis

Ad Canoni-
catum Leo-
poliensem
promove-
tur.

illis exornasti, vel ut nativæ gemma-
rum consuleres proprietati, quæ sem-
per ad inferiora feruntur, vel, quod
nôsses, ubiq; suum gemmis constare
pretium. Hoc tamen aurum, ada-
mantibus virtutum Tuarum, pro na-
talibus honoris debebatur cunis, iste
Sacri Senatûs olympus tanti Syderis or-
tui assignandus erat, quò illius fulgo-
ribus illustraretur. Et profectò vix
zodiacum collati subijsti fastigij, mul-
tus ubiq; dies gloriæ oriri cepit. Ac-
cessit inextinctus splendor nominis IL-
LUSTRISSIMO & REVEREN-
DISSIMO ARCHIPRÆSVLI
Leopoliensi, minoribus astris, peren-
nis famæ fulgor, integræ Archidiæ-
cesi, omnigenæ serenæ felicitatis.
Aureis Tuæ prudentiæ radijs, omne
illi exserenasti nubilum, dispunxisti
virtutum splendore omnes adversita-
tum umbras, quæ illustre nomen obscu-
rare nitebantur, reaccendisti in cor-
dibus

dibus Procerum extinctum amorem
Cleri, spes omnium in viridi, more
solis, aestu gratiarum Tuarum matu-
rasti. Illam tum adhuc Luminare mi-
nus sparsisti lucem, quā jam Diva-
rum luci, jam aularum caligo, jam
Areopagi tenebrae certatim serenari
ambiebant. Igitur postquam sancti-
moniae fulgore Domum Domini irra-
diasti, postquam noctes vitiorum in a-
trijis aularum eliminasti, missus es, ut
caecam illuminares Iustitiam. Ivis-
ti promptē, & vix atria illius ingressus
es, amissum illi restituisti lumen, vix
lucerna AGNVS Tuus resplenduit,
mox oculi illorum, quos auri fulgor
excacaverat, ne causas pupillorum
viderent, sunt aperti. Receperunt ad
ortum tanti luminaris, lumen suum
stellae illae, quae toties fatali extingue-
bantur occasu, quoties aurei orieban-
tur soles, melius videre ceperunt cæ-
ci illi, qui nihil videbant, nisi cusa

Deputatus
ad Tribunal
Regni.

in argento resplenduisset cynthia, res-
xerunt singuli, qui duces sibi condu-
xerant mercenarios, quorum ministe-
rio ad hæreditaria deducerentur bona,
ubi radijs Tuæ illuxisti præsentia. Ni-
mirum ad instar solis omnes juridi-
carum difficultatum dispunxisti nubes,
quæ lucem veritatis involvebant, dis-
sipasti umbras, quæ ne id quod rectū
erat, videret Areopagus, impediébāt.
Tibi ergo debet cælum Polonæ The-
midis, quod nullum sydus erraticum
habuerit, quod à via recti defleceret,
Tuæ splendoribus gratia, pupilla ege-
stas, quod perditas fortunæ suæ inve-
nerit drachmas. Solem Te sanè ex-
hibuisti illi, non exoratus exoriendo,
rorem lachrymarum illius in gemmas
melioris fortunæ transformando. Ut
autem miseros clementiæ radijs, sic
scelera severiore perstrinxisti ardore,
ut in afflictos clemens, sic in crimina
juste severus. A decretoria Tua sen-
tentia

tentia, etiam purpurati excessus nunquam sinè rubore abierunt, nec ullum in libra Tua auro trabeata iniquitas invenit pretium. Nulla criminalis causa in crumenalem abiit, penas, non aurum Te pro reatibus exigente. Par aequitas Tua in Leopoliensis Consistorij Tribunali, nunquā Te Judice, æquum, aureus debellavit asellus, nec aliquando Tuæ bilancem justitiæ, in suam aurum inflexit partem. Procedebant de throno AGNI Tui fulgura, & voces, illa in meritis contumaciæ penas, istæ in assertionem innocentia, ideoq; à Tuo tribunali innocentia cum plausu, iniquitas cum gemitu semper recessit. Ecclesiasticæ integritatis zelantissimus, ipsis Syderibus dixisti diem, si vel minimā in illis notasti maculam, quidquid in Sanctuario Domini non sanctum, quidquid in atrijs Domūs Dei non divinum, id totum, sanctioribus edictis

Officialis
Leopoliensis.

H

corre-

Suffraganeus
us Leopoli-
entis crea-
tur.

correxisti. Vidit flagrantissimum islū
Tuae Justitiæ zelum, Stemmaticus Ros-
sice Metropolis Leo, & ingentes illi
elogiorum præbuit favos, spectavit
**ILLVSTRISSIMVS & REVE-
RENDISSIMVS ARCHIEPI-
SCOPVS** Leopoliensis, & avitā suā
Literā grandes illi conscripsit panegy-
res, pretiosissimus in sæculorum memo-
ria **SKARBEEK**, gemmā Suffraga-
neæ dignitatis appretiavit, Præsulei
honoris aurum, auro Tuarum virtu-
tum addidit. Nec vilius illas dece-
bat munus, Tui pro Ecclesia sudores
Præsuleo pallio abstergendi, insulati
ante tempus dignitates mores, Pontifi-
cia cydari coronandi, Virgines Tuae
Musæ, Episcopali erant ornandæ an-
nulo. Et pridem hæc sacra consecu-
tus fuisses insignia, nisi Præsuleæ sphæ-
ram teniæ, velut alteram Ixionis ex-
horruisses rotam, jacta ante Te hono-
ris retia, pennis modestiæ sollicitus
præ-

prætervolare. In cassum tamen cas-
ses illius effugere nitebaris, incidisti vel
invitè in retia illius magnarum ala-
rum Aquila, victimatus est vel recal-
citrans avitus Tuus AGNVS in ara
honoris Præsulei. Submisisti igitur
cum patritio Ariete honorarijs securi-
bus collum, passus es ab Albano Sy-
dere, Capensis Episcopi titulo Tuam
illustrari modestiam, exporrexisti ma-
num ad Episcopalem annulum, sed
ut illo tanquam novus extra fabulas
Gyges, Tuarum eminentiam celares
virtutum, induisti Præsuleum palli-
um, ut illo latius miseros posses pro-
tegere. Semper illi quidem de vellere
AGNI Tui pallium protectionis ha-
buerunt, elicuit non semel illis aure-
os beneficiorum fontes, sed ubi in mon-
tem Pontificij ascendit honoris, inte-
grum gratiarum oceanum illis aperu-
it, quo suam explerent sitim. Sic non
sibi, sed alijs fert vellera patritius

A Clemenz
te XI. Epi-
scopus Ca-
psensis de-
claratur.

Liberalitas
Illustr: Præ-
sulis.

*Tuus Agnus ILLUSTRISSE &
REVERENDISSE DOMI-
NE, non in suum, sed egenæ pau-
pertatis commodum, sua dispensat pa-
scua. Præter Præsulei gemmam an-
nuli, nihil possides, præter pretiosos
virtutum uniones, nullas divitias ha-
bes, sic liberalissimâ dexterâ opes æra-
rij Tui, in pauperes erogasti. Non
sinis in corde Tuo aureis nummorû
coronatam circulis regnare avariti-
am, illi subjectissimus aviditati, quæ
ad virtutes, veras animi divitias, ex-
stimulat. Igneus est in Te virtutum
amor, extinguendæ illius siti, nec i-
psam sanctitatis pelagus, quod Te cir-
cumdat, potest sufficere. Dives es o-
mnium illarum thesauro, & tantis a-
bundans divitijs, adhuc Tibi aliquid
deesse existimas, licet nec minimum
defectum patiaris. Non possunt sa-
tiare appetitum Tuum magnetes affa-
bilitatis, quibus ferrea etiam in amo-
rem*

*Studium
virtutum.*

rem Tui pertrahis corda, nequeunt
explere desiderium illi solidissimæ ada-
mantes constantiæ, quos nulli adver-
sitatum perfringunt mallei, illi Divini
amoris carbunculi, quibus pectus Tuum
æstuat, semper ad ardentiorē ejusmodi
gemmarum conquisitionem Te inflam-
mant. Inde est, quod licet augusti æ-
rarium animi, plurimis virtutum re-
pleveris unionibus, adhuc ipsa pleni-
tudo vacua Tibi videatur. Nullas Te
sanctitatis opes possidere passim procla-
mas, cum tamen & aurum charita-
tis, & argentum candoris, & vere-
cundæ corallia modestiæ, & quidquid
ad gazas animi pertinet, id totum in
Tuæ gazophilacio mentis reposueris.
Produnt latentes apud TE ejusmodi
thesauros, flammæ sanctioris zeli,
quibus CRACOVIANSEM, dum
illam visitares, illustrasti Dioecesim,
altarium splendorem à Tuæ radijs de-
rivavit sanctimonie, nitorem Domus

I

Domini-

Visitat
Dioecesim
Cracovian.

Domini, à Tuo in superos candore didicit. Quòd facta sit non habens rugam, neq; maculam, ut decet Sponsam AGNI, Tibi tersissimo virtutum omnium debet speculo, quòd hucusq; vernantibus pietatis rosis floreat, Tuæ vigilantie debet spinis, quòd in semel præactis sanctimonie fundamentis inconcussa subsistat, Tibi Columnæ Fidei tenetur adscribere.

Ad Episcopatum
Chelmsensē
promove-
tur,

Et hæc est illa summa, quæ apud universos Regni proceres, apud ipsum SERENISSIMUM MONARCHAM, illud Tibi conciliasti pretium, ut illam gemmis cum CHELMENSI Insula dignam censuerit, Senatoriæ dignam purpurâ judicârit. Complacuit summæ huic coronato Pastori Patriæ, candor Aviti Tui AGNI, dum penes pellucida Domûs suæ FLUMINA nullam in illo notavit maculam, placent Electorali huic Cæsarum capiti, elevatissimi Tuæ mentis

tis sensus, huic Romani **MARE-**
SCHALLO Imperij, Pastoralis Tua
 virga tot virtutum ornata floribus. E-
 vasisi dilectissimus **IOANNES** Do-
 mino ob singulares animi gratias, tri-
 umphalibus suis **ENSIBVS** palma-
 rem Tibi ad honores aperit semitam,
 coronat emeritum verticem Pontifica-
 libus gemmis, quas in Stemmaticis
SERENISSIMÆ DOMVS FLV-
MINIBVS est piscatus. Elevat pro-
 nunc **AGNVM** Tuum ad celum
 Chetmensis Ecclesiæ, quod nuper hor-
 torum sydera **SZEMBEKIANÆ**
 illustrarunt **ROSÆ**, triumphali
 suo Cornu **FREDROVIANVS**
 propugnavit **MONOCEROS**, bre-
 vi ad sublimiores illum translaturus
 sphaeras. Succedis ergo mediatè Ro-
 seo Præsuli, Flos Antistitum, Ma-
 gno novissimè **ALEXANDRO**,
 quo non surrexit major **JOANNES**,
 succede Celsissimis eminenter, Eminen-

*tissimis sublimiter, texantur de vellere
Domûs Tuæ AGNI, Archipræsulea
pallia, Cardinalitiæ purpuræ, id orbis
Sarmaticus, id minima SCHOLARVM PIARVM
RELIGIO
apprecatur.*



Bibl. Jag.

KSIEGARNIA


ANTYKWARIAT

DOM
KSIĄŻKI
DOM

№ 107327 a

XXXXXXXXXXXXXXXXXXXX

Biblioteka Jagiellońska



stdr0023090

2600

B 6188 5